

歐陽修全集

國學基本文庫



上海中央書店
印行

庫文本基學國

集全修陽歐

著叔永陽歐

冊 三 第

行印店書央中海上

居士外集

卷五

律詩五十八首

漢宮

桂館神君去。甘泉輦道平。翠華飛蓋下。豹尾屬車迎。曉露寒浮掌。光風細轉旌。廊回偏費步。珮遠尙聞聲。玉樹人間老。珊瑚海底生。金波夜夜意。偏照影娥清。

送劉半千平陽簿

假道歸故里。

嶺梅歸驛路迢迢。越鳥巢傾木半喬。松徑就荒聊應召。桂叢留隱定相招。家庭噪鵲爭喧樹。夜帳驚猿自擁條。何處秋風催客鬢。青絲恐逐物華凋。一作錦。

樓頭

百尺樓頭萬疊山。楚江南望隔晴煙。雲藏白道天垂幕。簾捲黃昏月上弦。桑落蒲城催熟酒。柳衰章陌感凋年。髮光如葆寧禁恨。不待爲郎已颯然。

夕照

夕照留歌扇。餘輝上桂叢。霞光晴散錦。雨氣晚成虹。燕下翻池草。鳥驚傍井桐。無慙照湘水。丹色映秋風。

送張學士知鄧州

漢郎清曉赤墀趨。楚老西來望隼旟。侍史薰衣薰蕙草。轆轤要劍從驪駒。陽春繞雪歌低扇。油幕連雲水泛渠。

千里脩門對溱浦。好尋遺玦弔三閭。

曉詠

簾外星辰逐斗移。紫河聲轉下雲西。九難烏起城將曙。百尺樓高月易低。露裊蘭苕惟有淚。秋荒桃李不成蹊。西堂吟思無人助。草滿池塘夢自迷。

禁火

火禁開何晚。春芳半已凋。柳風兼絮墜。榆雨帶錢飄。淚翦蘭膏盡。弦虧桂魄消。祓蘭流水曲。遊祓一相招。

送趙山人歸舊山

屈賈江山思不休。霜飛翠葆忽驚秋。吟拋楚畹蘭苕老。歸有淮山桂樹留。聒耳春池蛙兩部。比封秋塢橘千頭。嘯條怒穎真堪愧。莫染衣塵更遠遊。

閑居卽事

巷有容車陋。門無載酒過。池喧蛙怒雨。客去雀驚羅。握臂如枝骨。哀弦繫^{一作}筇歌。無憊漳浦臥。還似詠中阿。

傷春

蕙蘭蹊徑失芳期。風雨春深怯減衣。卷箔高樓驚燕入。揮絃遠目送鴻歸。蜂催釀蜜愁花盡。絮撲喧條妒雪飛。欲識傷春多少恨。試量衣帶付要圍。

公子

黃山開苑獵初回。絳樹分行舞遞來。下馬春場雞鬪距。鳴弦初日雉驚媒。犀投博齒呼成白。橋隔車音聽似雷。不問春蠶眠未起。更尋桑陌到秦臺。

夜意

蕙炷燒薰斷。闌膏燭點煎。夜風多起顙。曉月漸虧弦。鵲去星低漢。烏啼樹暝煙。惟應牆外柳。三起復三眠。

寄張至祕校

關山一里一重愁。念遠傷離兩未休。南陌望窮雲似帳。西樓吟斷月如鉤。柳綿飛後一作春應減。蘭徑荒時客倦游。擬寄東流問溝水。亦應溝水更東流。

寄徐巽秀才

瑤花飛雪蕩離愁。鸛鵲驚風下綠疇。雕苑樹荒誰共客。楚江楓老獨悲秋。千重錦浪翻如箭。萬疊春山翠入樓。章陌柳條今在否。定臨溝水拂東流。

寄劉昉秀才

絲路縈回細入雲。離懷南陌草初薰。茂林脩竹誰同禊。明月春蘿定勒文。燕憶銅鞮來不定。鴻歸碣石信難分。東風鶯友應相望。懊惱孤飛不及羣。

送客回馬上作

南浦空波綠。西陂夕照寒。瑤華傷遠道。芳草送歸鞍。翠斂遙山疊。氛收古澤寬。衰容畏秋色。不及楚楓丹。

西征道中送陳舅秀才北歸

棋墅風流謝舅賢。髮光如葆惜窮年。人隨黃鵠飛千里。酒滿棲烏送一弦。望驛早梅迎遠使。拂鞍衰柳拗歸鞭。越禽胡馬相逢地。南北思歸各黯然。

送目

送目衡臺一作。皇望不休。江嶺高下遍汀洲。長堤柳曲妨回首。小苑花深礙倚樓。楚徑蕙風消病渴。洛城花雪滿

春曉

小閣回殘夢。開簾轉曉暉。露寒風不定。花落鳥驚飛。病渴偏思柘一作藤。楚詞漢志作柘。晉書杜詩作蔗。。朝寒怯減衣。無錢將謝

雪。持底送春歸。

劉秀才宅對弈時

烏巷招邀謝墅中。紫囊香珮更臨風。塵驚野雉一作。火遙知獵。目送雲羅但聽鴻。六着比犀鳴博勝。百嬌柘矢棒

壺空。解衣對子歡何極。玉井移陰下翠桐。

送李寔

幾幅歸帆不暫停。吳天遙望斗牛橫。香薰翠被乘青翰。波暖屏風詠紫莖。江水自隨潮上下。月輪閑與蚌虧盈。

河橋折柳傷離後。更作南雲萬里行。

早夏鄭工部園池

夜雨殘芳盡。朝暉宿霧收。蘭香纔馥徑。柳暗欲翻溝。夏木繁堪結。春蹊一作。翠已稠。披襟楚風快。伏檻更臨流。

舟中寄劉昉秀才

東南天闊漾歸流。西北雲高斷寸眸。明月隨人來遠浦。青山答鼓送行舟。歸心逐夢成魚鳥。夜漢看星識斗牛。

醺然一作。

酒開樽誰共醉。清江聊且玩游儔。一作。

月夕

月氣初升海。屏光半隱扉。寒消覺春盡。漏永送籌稀。蘭燭風驚燼。煙簾霧濕衣。清羸急寬帶。頻減故時圍。

奉送叔父都官知永州

虎頭盤綬貴垂紳。青組名郎領郡頻。畫鷁千艘隨下瀨。聽雞五鼓送行人。楚波漾楫萍如日。淮月開船蚌有津。千里壺漿民詠溢。檣烏旗隼下汀蘋。

柳

綠樹低昂不自持。河橋風雨弄春絲。殘黃淺約眉雙斂。欲舞先誇手小垂。快馬折鞭催遠道。落梅橫笛共餘悲。長亭送客兼迎雨。費盡春條贈別離。

舟中望京邑

東北歸川決決流。汎艫青渚暫夷猶。遙登灞岸空回首。不見長安但舉頭。揮手嵇琴空墮睫。開樽魯酒不忘憂。青門柳色春應遍。猶自留連杜若洲。

小圃

桂樹鴛鴦起。蘭苕翡翠翔。風高絲引絮。雨罷葉生光。蝶粉花密紫。蜂茸露濕黃。愁醒與消渴。容易爲春傷。

卽目

李徑陰森接翠幃。抑簾風日澹清秋。晚烏藏柳棲殘照。遠燕傷風失故樓。星漢經年雖可望。雲波千疊不絀愁。平居革帶頻移孔。誰問無繆沈隱侯。

南征道寄相送者

楚天風雪犯征裘。誤拂京塵事遠遊。謝墅人歸應作詠。灞陵岸遠尙回頭。雲含江樹看迷所。目逐歸鴻送不休。

欲借高樓望西北。亦應西北有高樓。

楚澤

宿莽湘纍怨。幽蘭楚俗謠。紫屏空自老。翠被豈能招。欲就蒼梧訴。愁迷灕浦遙。哀猿羌晝晦。悲鳩衆芳凋。紅壁丹砂板。瓊鈎翡翠翹。如何辜香杜。一作杜若。江上獨無憀。

題金山寺

地接龍宮漲浪除。鷺峯岑絕倚雲斜。崑崙宿霧三年日。路引迷人四照花。海國盜牙爭起塔。河童施鉢但驚沙。春蘿攀倚難成去。山谷踈鐘落暮霞。

送竇秀才

晴原高下細如鱗。樹轉城回路欲分。望月西樓人共遠。躍鞍南陌草初薰。短亭山翠偏多疊。送目鴻驚不及羣。一驛賦成應援筆。好憑飛翼寄歸雲。

旅思

調苦歌非樂。岐多淚始零。羞彈長鋏劍。終戀五侯鯖。陌草薰沙綠。江楓照岸青。南陵動歸思。蘭葉向春馨。

仙意

孤桐百尺拂非煙。鳳去鸞歸夜悄然。滄海風高愁燕遠。扶桑春老記蠶眠。槎流千里纔成曲。桂魄經旬始下弦。獨有金人寄遺恨。曉盤雲淚冷涓涓。

聞朱祠部罷漳州歸闕

漢柱題名墨未乾。南州坐布政條寬。嶺雲路隔梅欹驛。使駟秋歸柳拂鞍。建禮侵晨趨冉冉。明光賜對佩珊珊。

穎川此召行聞拜。冠類凝塵俟一彈。

勸征

沈約傷春思。稽含倦久游。帆歸黃鶴

一作黃

浦。人滯百蘋洲。乳燕差池遠。江禽格磔浮。物華真可玩。黑髮恐逢秋。

鄭駕部射園

夢草西堂射圃連。蘭苔初日露華鮮。暈含畫的弦開月。牙算行籌酒滿船。鏤管思催吟韻劇。妓簾陰薄舜衣翻。當筵獨愧探牛炙。儉府芙蓉客盡賢。

甘露寺

雲樹千尋隔翠微。給園金地敞仁祠。講花飄雨諸天近。春漏欹蓮白日遲。引鉢當空時取露。殘灰經劫自成池。危欄徙倚吟忘下。九子鈴寒塔影移。

送友人南下

河橋別柳減春條。隔浦挈音聽已遙。千里羹專誇敵酪。滿池漉稻欲鳴蜩。東風楚岸神靈雨。殘月吳波上下潮。如弔湘纍攀香杜。一作若秋江斜日駐蘭橈。

高樓

六曲雕欄百尺樓。簾波不定瓦如流。浮雲已映樓西北。更向雲西待月鉤。

榴花

絮亂絲繁不自持。蜂黃蝶紫燕參差。榴花最恨來時晚。惆悵春期獨後期。

宿雲夢館

北鴈來時歲欲昏。私書歸夢杏難分。井桐葉落池荷盡。一夜西牕雨不聞。

鵲鵲鳴

一作

花殘如霰落紛紛。紫陌空遺翠幃塵。鵲鵲在綠催節物。年華不信有傷春。

簾

銀蒜鈎簾宛地垂。桂叢烏起上朝暉。柱將玳瑁雕爲押。遮掩春堂礙燕歸。

行雲

疊疊煙波隔夢思。離愁幾日減要圍。行雲自亦傷無定。莫就行雲託信歸。

琵琶亭上作

九江煙水一登臨。風月清含古恨深。濕盡清衫司馬淚。琵琶還似雍門琴。

柳

雨閣堤長走畫轡。絮兼梨雪墮春煙。東風苑外千絲老。猶伴吳蠶盡日眠。

井桐

簷欹碧瓦拂傾梧。玉井聲高轉轆轤。腸斷西樓驚穩夢。半留殘月照啼烏。

雪中寄友人

楚岸梅香半入衣。凍雲銀鑠曉光飛。遙應便面逢人處。走馬章街失路歸。

與謝三學士絳唱和八首

和國庠勸講之什

春盡沂風暖，芹生泮水清。雙旌榮照路，博帶儼盈庭。兩丈臨師席，鏤金壁有經。諸生拜玉^{一作}衰，欣識象丘形。

和遊午橋莊

曉壇初畢祀，弭蓋共尋幽。鳥啼林中出，泉聲冰下流。攀條驚雪盡，翻袂愛風柔。好駐城南馬，春^{一作}桑徧陌頭。

和龍門曉望

水霧濛濛曉望平，悠然驅馬獨吟行。煙嵐明滅川霞上，凌亂空山百鳥驚。

除夜偶成拜上學士三丈

萬瓦青煙夕，觴牛斗杓迎。歲轉東城，陪宮守夜沈香燎。楚俗驅神爆竹聲，玉樹羅階家宴盛。羽觴稱壽綵衣榮，九門朝客思公甚。向曉天風舞雪鬢。

陪飲上林院後亭花櫻桃花，悉已披謝，因成七言四韻

尋芳長恨見花遲，豈意看花獨後期。試藉落英聊共醉，爲憐殘萼更攀枝。清香肯以無人減，幽豔惟應有蝶知。開謝兩堪成恨望，傷春不到柳絲時。

昨日偶陪後騎同適近郊，謹成七言四韻，兼呈聖俞

堤柳纔黃已落梅，尋芳弭蓋共徘徊。桑城日暖蠶催浴，麥壠風和雉應媒。別浦人嬉遺翠羽，弋林春廢鎖歌臺。歸鞍暮過宮街鼓，府吏應驚便面回。

和八月十五日齋宮對月

皓月三川靜，晴氛萬里銷。靈光望日滿，寒色入波搖。灝氣成山霧，浮雲蔽壝苗。廟荒陰燄出，苑廢露螢飄。齋館心方寂，秋城夜已遙。清談對元亮，瓊彩映蕭蕭。

送學士三丈一作送謝學士歸闕。

供帳落成邊。三字一作拂雲煙。征轅一作去莫攀。人醒風外酒。馬度雪中關。一作故舊。府誰同在。新年獨未還。遙應行路

者。偏識綵衣斑。

已上八篇居士集已載後一篇其不同者三字而題云送謝希深今諸本皆作送王學士疑希深第三訛爲王耳。

【對弈】百嬌疑用西京雜記百嬌事

卷六

律詩七十三首

雙桂樓

嘉樹叢生秀。茲樓層漢傍。飛甍臨萬井。伏檻出垂楊。卷幕晴雲度。披襟夕簾涼。山河瞻帝里。風月坐胡牀。愛客東阿宴。清歡北海觴。淮南多雅詠。歲晚翫幽芳。

題張應之縣齋

小官歎簿領。夫子臥高齋。五斗未能去。一丘真所懷。一作綠苔。長秋雨。黃葉堆空塔。縣古仍無柳。池清尙有蛙。

和梅聖俞杏花

誰道梅花早。殘年豈是春。何如豔風日。獨自占芳辰。

錢相中伏日池亭宴會分韻

罇俎逢佳節。簪纓奉宴居。林光拂衣冷。雲影入池虛。酒色風前綠。蓮香水上疎。飛談交玉麈。聽曲躍文魚。粉繡春苞解。紅榴夏實初。睢園多美物。能賦謝相如。

送辛判官

被薦方趨召。還鄉仍綵衣。看山向家近。上路逐鴻飛。結綬同爲客。登高獨送歸。都門足行者。莫訝柳條稀。

叢翠亭

柳色滿重城。岌岌出翠甍。春雲依檻暖。夕照落山明。走馬章街曉。驅鴻洛浦晴。清罇但留客。桴鼓晝無驚。

賀九龍廟祈雪有應

眞宰調神化。幽靈應不言。朝雲九淵闇。暮霞六花繁。朝吹榮歸旆。寶裾載後軒。睢園有客賦。郢曲幾人翻。槐塵方虛位。鋒車佇改轅。願移盆尺瑞。爲雨徧羣元。

早春南征寄洛中諸友

楚色窮千里。行人何苦賒。芳林逢旅鴈。候館噪山鷗。春入河邊草。花開水上樓。東風一罇酒。新歲獨思家。

花山寒食

客路逢寒食。花山不見花。歸心隨北鴈。先向洛陽家。

寒食值雨

禁火仍風雨。客心愁復悽。陰雲花更重。春日水平堤。一作西油壁逢南陌。鞦韆出綠隄。尋芳無厭遠。自有錦障泥。

寄謝宴尚書二絕

送盡殘春始到家。主人愛客不須嗟。紅泥袁酒嘗青杏。猶向臨流藉落花。

爛漫殘芳不可收。歸來惆悵失春遊。綠陰深處聞啼鳥。猶得追閑果下驄。

留守相公移鎮漢東

周郊徹楚垌。舊相擁新旌。路識青山在。人今白首行。相公書有方城題句。問農穿稻野。候節見梅英。腰組人稀識。偏應邸吏驚。

寄聖俞

平沙漫顰飛雪。行旅斷浮橋。坐覺山陵阻。空嗟音信遙。窮陰變寒律。急節慘驚飈。野霽雲猶積。河長冰未銷。山陽人半在。洛社客無聊。寄問陶彭澤。監輿誰見邀。

柴舍人金霞閣

簷前洛陽道。下聽走轅聲。樹蔭春城綠。山明雪野晴。雲藏天外闕。日落柳間營。緩步應多樂。壺歌詠太平。

送王公慥判官

久客倦京國。言歸歲已冬。獨過伊水渡。猶聽洛城鐘。山色經寒綠。雲陰入暮重。臘梅孤館路。疲馬有誰逢。

伊川獨遊

綠樹遶伊川。人行亂石間。寒雲依晚日。百鳥向青山。路轉香林出。僧歸野渡閑。巖阿誰可訪。興盡復空還。

遊彭城公白蓮莊

謝墅多幽賞。華軒曾共尋。人閑聊載酒。臺迥獨披襟。水落陂光淡。城當山氣陰。惟餘桃李樹。日覺翠蹊深。

普明院避暑

選勝避炎鬱。林泉清可佳。拂琴驚水鳥。代麝折山花。就簡刻筠粉。浮甌烹露芽。歸鞍微帶雨。不惜角巾斜。

送高君先輩還家

閑居寂寞面重城。過我時欣倒屣迎。入洛機雲推俊譽。遊梁枚馬得英聲。風晴秀野春光變。梅發家林鳥哢輕。祇待登高成麗賦。漢庭推轂有公卿。

憶龍門

楚客有歸心。田聲道故岑。依依動春色。藹藹望香林。山日巖邊下。溪雲水上簫。遙知懷洛社。應復動鄉吟。

贈梅聖俞

時聞敗舉。

黃鸝刷金衣。自言能遠飛。擇侶異棲息。終年修羽儀。朝下玉池飲。暮宿霜桐枝。徘徊且垂翼。會有秋風時。

郡人獻花

蝶遶蜂遊露滿盤。芳條可惜折來殘。我緣多病經春臥。砌下花開不暇看。

龍門泛舟晚向香山

暫解塵中紱。來尋物外遊。寥蘭流水曲。弄桂倚山幽。波影巖前綠。灘聲石上流。忘機下鷗鳥。至樂翫游鯈。梵響雲間出。殘陽樹杪收。溪窮興不盡。繫榜且淹留。

荷葉

與梅二分題。

採掇本芳隄。移根向玉池。晴香滋白露。翠色弄清漪。雨歇涼颼起。煙明夕照移。如何江上思。偏動越人悲。

早赴府學釋奠

羽籥興東序。春秋紀上丁。行祠漢丞相。學禮魯諸生。俎豆兼三代。罇彝奠兩楹。霧中槐市暗。日出杏壇明。昔齒公卿胃。嘗聞絃誦聲。何須向闕里。首善本西京。

和晏尚書夏日偶至郊亭

關關啼鳥樹交陰。雨過西城野色侵。避暑誰能陪劇飲。清歌自可滌煩襟。稻花欲秀蟬初噤。菱蔓初長水正深。知有江湖杳然意。扁舟應許共追尋。

和晏尚書自嘲

未歸歸即乘鴻釣。偷醉閑亭醉幾春。與物有情寧易得。莫噴花解久留人。

題薦嚴院

那堪多難百憂攻。三十衰容一病翁。却把西都看花眼。斷腸來此哭東風。

寄題嵩巫亭

平地煙霄向此分。繡楣丹檻照清芬。一作粉。風簾暮捲秋空碧。剝見西山數嶺雲。

題淨慧大師禪齋晉光院

巾屨諸方遍。莓苔一室前。萎花吟次處。一作落。孤月定中圓。齋鉢都人施。談機海外傳。時應暮鐘響。來度禁城煙。

琵琶亭

樂天曾謫此江邊。已嘆天涯涕泣然。今日始知予罪大。夷陵此去更三千。

初至虎牙灘見江山類龍門

曉鼓潭潭客夢驚。虎牙灘上作船行。山形酷似龍門秀。江色不如伊水清。平日兩京人少壯。今年三峽歲崢嶸。臥聞乳石淙流響。疑是香林八節聲。

題張損之學士蘭皋亭

碣岸接芳蹊。翠觴此自怡。林花朝落砌。山月夜臨池。雨積蛙鳴亂。春歸鳥哢移。惟應乘興客。不待主人知。

霧後見雪走筆呈元珍判官二首

江上寒山祗對門。野山一作山。花巖草共嶙峋。獨吟羣玉峯前景。閑憶紅蓮幕下人。

嘉景無人把酒看。一作尊。縣樓終日獨凭欄。山城歲暮驚時節。已作春風料峭寒。

送致政朱郎中

平生不省問田園。白首忘懷道更尊。已上印書辭北闕。稍留冠蓋饒東門。馮唐老有爲郎戀。疎廣終無任子恩。今日榮歸人所羨。兩兒腰綬擁高軒。

留題安州朱氏草堂

俯檻臨流蕙徑深。平泉花木繞陰森。蛙鳴鼓吹春喧耳。草暖池塘夢費吟。賭墅乞餽賓對奕。驚鴻送目手揮琴。嗟予遠捧從軍檄。不得披裘五月尋。

題光化張氏園亭

君家花幾種。來自洛之濱。惟我曾遊洛。看花若故人。芳非不改色。開落幾經春。陶令來常醉。山公到最頻。曲池涵草樹。啼鳥悅松筠。相德今方賴。思歸未有因。

和聖俞百花洲二首

野岸溪幾曲。一作松筠。蹊穿翠陰。不知芳渚遠。但愛綠荷深。

荷深水風闊。雨過清香發。暮角起城頭。歸橈帶明月。

魚